

Angela Freitas Transcript

Bonoite Telespetadores televizaun edukasaun in Timor loran tomak Hamutuk fali ho ha'u Juvenal Dias iha programa D'Challenge ho topic Kadeira RDTL 1. Programa ida ne'e realiza liu hosi kolaborasaun entre La'o Hamutuk ho TVe. Objetivu hosi programa ida ne'e atu fahe ka bolu kandidatu sira hodi fahe sira nia programa iha kanál televizaun ida ne'e. Ami hakarak debate ba telespetadores sira katak iha aban no bainrua ami sei iha mós

Telespetadores sira, iha kalan ida ne'e ita iha ona bainaka espesial ida kandidata PR no 6, Mana Angela Freitas.

Benvindu i Bonoite.

Ita nia programa ida ne'e iha segment tolu.

- 1. Vizaun Jerál*
- 2. Asuntu Polítiku Direitus Umanus no Seguransa*
- 3. ko'alia kona-ba asuntu ekonómiku.*

Iha segmen segundu no terseiru ha'u sei fó oportunidade

Kandidata: Ita boot úniku feto Timor ne'ebé hakarak kompete ho mane barak, mane na'in hitu kedas iha kandidatu PR nian.

Saida mak hanesan ita-boot nia motivaun rasik hodi kandidata an iha eleisaun ida ne'e?

Tanba ha'u hare katak iha rai laran durante ita ukun an katorze anus ona ita hare katak buat barak ne'ebé mak la'o la tuir regras demokrasia no étika do estadu sira viola povu sira nia direitu, importante tebes povu sira tenke sente hakmatek, tenke sente seguru iha sira nia rain rasik. Nia labele sai fali refujiadu iha ninia rain rasik.

Iha konstituisaun rasik fó knar balu ba PR atu halo, i knar ida ne'ebé mak sei sai hanesan ita-boot nia prioridade durante tinan lima ba oin hodi bele ajuda ita atu atinje vizaun ne'ebé ohin ita-boot temi katak atu hatuur justisa ba povu?

Em prinsipiu primeiru estar hanesan PR tenke hare oinsá mak estadu ne'e iha integridade, iha independentemente atu bele trata nia sidadaun iha lei nia oin hanesan. Tanba ita haree katak prosesu justisa ohin loran la'o la tuir regras, i sempre iha intervensaun husi política sira nudár PR ha'u (sei) la tolera kualkér instituisaun kualkér política organizaun ou partidu política atu intervein ba prosesu justisa ne'ebé ke la'o iha nasaun ne'e nia laran.

Saida mak étika do estadu:

Primeiru estar ita tenke valoriza ita nia povu, kuandu ita valoriza ita nia povu ha'u hanoin buat sira ne'e sei la'o tuir nia dalan. tanba dala barak ita nia ukun na'in sira

Ita-boot mós dala barak ko'alia katak iha konstituisaun RDTL agora la fó favorese ba povu, ita boot hanoin atu fó mudansa ka revizaun ba konstituisaun? Ha'u rona iha públiku katak ita boot iha planu

atu halo alterasaun, iha mudansa ba konstituisaun, ita boot rasik hare katak iha problema ho konstituisaun ne'e rasik?

Sim ida ne'e prinsipiu ne'ebé ke ha'u tau iha ha'u nia plataforma, importante tebes ita ko'alia kona-ba lei inan, Povu tenke sente katak nia poténsia lei ida ne'ebé ke ukun na'in sira formula, tenke sente katak na'in ba lei ne'e.

Oinsá ita boot bele halo programa atu muda konstituisaun ema hotu dehan konstituisaun ne'e tenke halo hosi PN, oinsá PR bele hanoin atu muda konstituisaun rasik?

Sim iha opsaun ne'ebé ke kona-ba podér feto, iha mós hosi opsaun ne'ebé ke ha'u sei utiliza liu husi konsultasaun popular. Tanba ida ne'e ita tenke uza duni kazu nesesáriu. Tanba ita nia povu ita reprezenta ita nia povu, i alien de ne'e, nudár PR tenke tane as povu ne'e ninia hakarak, povu nia mehi. Konstituisaun tenke reprezenta duni povu tuir ninia kultura tradisaun tanba ita iha Timor iha ita nia lisan. Lisan ne'ebé ke kaer metin ita nia kultura, lisan ne'ebé ke kaer ita nia família sai metin, forsa, ida ne'e importante tebes, tanba ita nakonu ho tradisaun ne'ebé ke ita iha i fahe ita ba distritu 13 ne'ebé ke iha diferença, diferença de ita nia uma lisan, ne'ebé oinsá atu konjunta atu buras liu tan iha ita nia nasaun. Ita rasik tenke valoriza. Konstituisaun hakerek ema mak hakerek, konstituisaun la'ós bíblia, tanba ne'e duni ema mak hakerek i nia, ema ida ne'ebé ke ukun nia rasik iha kompeténsia atu oinsá atu reforma konstituisaun.

Ne'e la signifika katak kandidata PR ema balun iha media, ne'e bele halo PR halo golpe tanba nia hakarak muda konstituisaun, nia hakarak muda konstituisaun tuir ninia hakarak.

Los, ita-boot iha hanoin atu sentraliza podér iha ita-boot nia ukun?

Sim tanba ida ne'e, ha'u nia prinsipiu ne'ebé tau tiha ona iha ha'u nia plataforma, reforma konstituisaun i ha'u sei muda sistema semi presidente ba presidensial ida ne'e mak ha'u nia mehi i ida ne'ebé ke povu hakarak. Tanba ne'e duni importante tebes, nudár PR nia tenke duni aplika, adopta buat ne'ebé ke atu aseguira nia povu iha nasaun ne'e ninia laran ne'e.

Ita boot sei la sente katak ho planu ida ne'e sei enfrenta problema polítika hosi li'ur?

Ha'u hanoin katak ida ne'e lae. Ida ne'e depende Povu. Ha'u ko'alia ne'e kona povu, povu ninia mehi, la'ós ha'u nia mehi, povu nia mehi, tanba ne'e duni importante tebes nudár PR tenke rona saida mak povu nia hakarak ida ne'e importante ne'e nudár PR tenke respeita, tenke valoriza povu. Se povu kontinua halerik ba kazu sira ne'ebé ke injustisa boot ida ne'ebé ke akontese ita nia rain, dala barak ukun na'in sira mosu dala barak polítika na'in sira mosu maibé sira la reprezenta povu nia hakarak, povu nia mehi sira reprezenta sira nia mehi...

Klaru katak hahalok ida viola povu nia direitu mai hosi aktu, la'ós tanba konstituisaun, tanba sá ita-boot hanoin katak konstituisaun sai hanesan kauza ba problema injustisa ida ne'e?

Ita tenke haree iha fatór fatór sira ne'ebé ke akontese iha ita nia rain. Primeiru estar, ita ho populasau 1.7 milloins. La nesesáriu iha primeiru inísiu kedas ha'u rasik kontra atu adopta sistema semi presidensial. Separasaun podér prejudika ba prosesu dezenvolvimentu iha rai laran ho populasau ida 1.7 milhões. Ita fó vantajen ba ema sira, grupu ida, partidu ida atu halo korrupsaun. Ita haree katak ita nia konstituisaun rasik fó dalan ba ema polítiku sira ukun na'in sira atu kontinua haburas korrupsaun. Tanba ne'e duni nudár PR ha'u sei la tolera buat ne'ebé ke akontese ita nia rain i presiza duni atu hadi'a imediatu.

Ha'u haree ita-boot preokupa ba konstituisaun, agora ha'u koko atu sees husi konstituisaun uitoan atu haree hanesan feto timor oan ida ne'ebé barani atu kandidata an ba presidente presidente repúblika saida mak ita-boot sei halo atu bele promove feto timor leste hodi bele iha igualdade ka ou bele iha oportunidade ne'ebé hanesan o bele tau hanesan feto ida ne'ebé hanesan mós feto sira

seluk iha mundu, ou ita boot hanoin katak ita bele iha ema hanesan Michelle Obama, ka ema boot balun ne'ebé koñesidu, oinsá ita planu para atu promove sira?

Sim nudár PR fetu pilar ida importante tebes ba prosesu dezenvolvimentu iha nasaun. Dala barak ita haree katak iha azia Pasífiku sira sempre diskrimina fetu iha palku polítika. I alein disso, fetu sai vítima ba prosesu politik nee rasik. mas tuir ha'u nia haree katak importante tebes pra oinsá ita bele promove liu liu fetu maluk sira iha timor leste, atu bele hatudu ba mundu katak fetu mós bele kaer ukun tanba saida mak, ita haree katak funsaun fetu iha prosesu dezenvolvimentu komesa kedas ita haree jere iha uma laran.

....so basa liman dala ida tan ba kandidata PR

Telespetadores sira ita foin sai husi segmen Primeiru kona-ba vizaun kandidata PR nian. Ha'u agora atu ba iha segmen segundu, atu ko'alia asuntu iha relasaun ho polítika demokrasia no seguransa.

Pergunta Primeiru ne'ebé ha'u hakarak atu husu ba kandidata PR, Konstituisaun rasik hatuur ona prinsipiu separasaun de poder entre órgaun sira seluk. Pergunta mak oinsá mak kandidata rasik uainhira eleitu hanesan PR bele asegura check and balance entre órgaun estadu sira, saida mak ita-boot sei halo?

Sim ita ko'alia kona-ba check and balance, oinsá mak ita bele kria instituisaun sira ne'ebé ke independente, iha integridade, oinsá mak instituisaun sira ne'e ne bele sai instituisaun ne'ebé ke atu servi povu, la'ós atu hanain tanba durante ne'e ita haree katak povu hili tiha sira ba iha ne'ebá, sira la konsege responde povu ninia nesiedade ou la responde povu ninia hakarak.

Saida mak ita boot sei halo atu responde ba povu nia nesiedade tuir konstituisaun?

Importante ita tenke haree kedas, detekta, diagnosa problema ne'ebé ke ita nia povu hasoru iha distritu 13.

PR rasik mak sei halo ka presiza iha kolaborasaun ho governu tanba papél ba promove ka dezenvolve povu ne'e knaar governu nian, la'ós PR nian, se ita boot bele halo ida ne'e?

Iha knaar PR nia supervizona, instituisaun hotu hotu nia funsionamentu iha instituisaun ne'e rasik. Tanba ne importante liu ba PR atu haree lala'ok sira iha instituisaun, sera ke sira ne'e sai duni servidor ne'ebé ke di'ak atu responde povu ninia problema iha terrenu. Ida ne'e mak importante tebes. Tanba ita ko'alia kona desentralizasaun, desentralizasaun ita tenke fó poder másimu ba ita nia representante autoridade lokál sira atu nune'e sira bele jere, atu nune'e sira bele orienta sira nia povu. Tanba durante ne'e ita haree nunka akontese.

Sim, Knaar ida ne'e kabe ba Governu maka'as liu, oinsá Prezidente bele influencia governu?

Sim klaru ke Prezidente iha poder atu influencia...

Iha meius balun ne'ebé ita boot sei uza atu bele komunika ka influencia governu? sá meius?

Sim, Meius mak tenke iha komunikasaun ida ne'ebé ke mais amijavel, komunikasaun ne'ebé ke di'ak entre instituisaun ho PR i oinsá mak ita bele detekta saida de'it mak entre PR nomos hosi Parte Governu atu bele kolabora oinsá mak atu bele hadi'ak povu ninia ben estar. Ida ne'e mak importante tebes ba PR.

Kandidata PR, konstituisaun rasik mós fó poder ka kompeténsia ba importante ba PR atu bele veta ou ka bele promulga diploma sira ne'ebé governu haruka mai ba ita boot, Ha'u hakarak atu husu durante ne'e prezidente veta orsamentu maibé kria polemika polítika, iha diskursu polítika, diskusaun polítika maka'as liu iha públiku, ha'u hakarak atu husu de'it saida mak ita boot ninia

hanoin kona-ba valor kompeténsia PR nian atu veta ka promulga diploma ruma husi governu ka husi Parlamentu?

Importante liu ha'u tenke haree i ha'u tenke uza ha'u nia knaar atu utiliza hak veto ida ne'e importante tebes, kazu diploma ne'ebé ke haruka husi Parlamentu la refleta interese povu ne'e nian, la lori saida mak povu ne'e hakarak, ha'u hanoin katak nesesáriu duni atu uza veto atu nune'e la bele tan viola povu ninia direitu tanba povu mak kaer, podér iha povu nia liman, la'ós iha ukun na'in sira nia liman.

Povu barak sente katak viola povu ninia diretu ne'e ba ha'u hanesan ne'e classical liu, ezemplu saida mak ita-boot hanoin katak polítika ida sei viola povu nia direitu?

Importante liu olha, veto ida ne'e ne pertensia povu nian, Prezidente utiliza de'it. tanba ne'e duni mak kazu nesesáriu la presiza diploma ne'ebé ke haruka hosi Parlamentu atu bele too ba iha TR tanba se iha meius, opsaun ne'ebé ke Prezidente bele utiliza, konsulta popular, tanba ne'e mak ha'u dehan ukun ne'e pertensia povu ninian, la'ós ukun na'in nian. Ukun na'in mai atu servi povu. La'ós ukun na'in mai atu hanain.

Maibé konstituisaun fó dalan ba PN atu bele simu opiniaun hosi PR ou vota ba desizaun ne'ebé Prezidente halo, tanba konstituisaun fó dalan. Oinsá ita boot rasik bele promove ideia sira ne'e ba polítiku sira, atu bele sira bele rona ita boot nia pensamentu ka ita boot nia polítika rasik?

Sim ida ne'e depende ba relasaun ne'ebé ke ita kria entre instituisaun husi PR nomos Parlamentu. Presiza tebes komunikaun ida ne'ebé ke di'ak, ita labele dehan mai ho presau, ou ameasa ruma ne'ebé ke ita haree durante ne'e akontese iha ita nia rain. Sempre iha intervensaun polítika. Ha'u hanoin katak tempu to'o ona para Timor Oan sira oinsá bele hamutuk, atu bele konjunta ideia ne'ebé pozitivu.

So komunikaun ne'ebé ita-boot sei inisia maka halibur sira ou ka oin sá?

Sim ida ne'e importante tebes. Komunikaun ne'e ne pilar ida importante tebes atu prosesu dezvoltamentu iha rai laran, i atu hetan boa governasaun.

Ok basa liman dala ida tan ba kandidata PR nia hanoin. Kandidata Prezidente, husi relasaun entre órgaun sira iha rai laran, ha'u hakarak atu hakat ba relasaun entre estadu ida ho estadu rai seluk, Timor-Leste to'o ohin lora seidaun iha liña fronteira ida ne'ebé permanente, entre Timor ka ho Australia i ho Indonézia. daudauk ne'e iha kazu barak ne'ebé Timor-Leste lori hasoru Australia iha Tribunal, nudár PR, saida mak ita-boot sei halo atu bele ajuda katak Timor Leste ida ne'e iha soberania ida ne'ebé metin liu atu labele lakon tan rai pedasuk ida ka tasi pedasuk ida ba interese nasaun seluk nian. Saida mak ita boot sei halo?

Saida mak ha'u atu halo, importante tebes ita tenke difini ita nia soberania.

Oinsá defini?

Oinsá defini, primeiru estar, nasaun ida atu hamriik ita tenke asegura ita nia soberania. Ne'e fatór determinante tebes iha ha'u nia kandidatura. Ida ne'e ha'u sei rezolve imediata, ne'e zero toleránsia ba kualkér ema ida ne'ebé mak hakarak mai atu bele invade fali iha ita nia rain tanba ita iha podér ne'ebé ke konstituisaun ita hatuur ona, i oinsá mak ita bele kria diplomasia ne'ebé ke tuir regras ne'ebé ke iha atu nune'e ema internasionál sira bele respeita tuir lei ne'ebé ke hatuur ona iha Lei tasi nian. Tanba durante ne'e ita nia soberania sai prosesu sai problema boot tanba saida? tanba ita nia ukun na'in sira la haree konsekuénsia ne'ebé ke atu mosu ba futuru. Tanba ne'e duni, kazu

mina-rai prioridade tebes ta ha'u nia kandidatura, ne'ebé fiar katak ha'u sei bele rezolve husi meus diplomasia.

Oinsá ita boot bele hanoin katak ne'e hanesan prioridade, sera ke iha fatin seluk sai tiha ona hanesan prioridade estadu, saida mak ita-boot nia política ida ne'ebé diferente kompara ho maun boot Xanana Gusmão ninia planu.

Si, maun boot Xanana ema ida ne'ebé ke agora daudauk iha mediador, sai hanesan mediador ba prosesu negosiasaun. Maibé tenke hatene. Kuandu ita asina akordu ida ne'ebé ita rasik involve i aseita asina akordu ne'e, ita tenke iha responsabilidade ba aktus sira ne'ebé ke ita komete. eh, asina akordu. Tanba ida ne'e kona soberania, ita ko'alia kona-ba soberania. La'ós pertensia ema ida ka rua nian. tanba ne'e duni antes atu tama iha faze negosiasaun, ita tenke iha sosializasaun ho ita nia povu, atu nune'e ita bele haree saida mak ita halo, i sera ke ba futuru sei iha ninia impaktu tanba ne'e duni nudár Prezidente da República ha'u iha ha'u nia formula ha'u iha oinsá mak bele atu bele liu husi meus diplomasia atu rezolve asuntu fronteira maritima. ida ne'e ha'u ko'alia fronteira maritima. ita refere ba terestra, nomos fronteira aero. Tanba ida ne'e faz parte ba soberania nasaun nian. Se ita la iha....

Entaun kandidata haree katak esforsu estadu nian to'o ohin lora ne'e seidauk forte?

Ha'u hanoin seidauk forte. Ha'u hanoin katak painél ne'ebé sira kria panel seidauk forte. tanba ita atu forma panel ida, ita tenke halibur mós ita nia matenek na'in sira husi parte judisiariu, ita nia jurista sira, ekonomista sira, política sira, akadémiku sira, intelektual sira nomos igreja. Tanba soberania ne'e pertensia povu nian. La'ós ema ida rua nian.

Oke basa liman dala ida tan.

Kandidata Prezidente, kontinua hafatin ho relasaun ho rai li'ur, ita nia relatóriu Chega fó rekomendasaun lubuk katak estadu Timor ka comunidade internasionál ka indonézia presiza harii tribunal ida ne'ebé kredível atu bele julga autór sira ne'ebé komete ba krime graves durante okupasaun indonézia, saida mak ita-boot sei hanoin kona-ba rekomendasaun ida ne'e. Ita boot kontinua hanesan saida mak ita nia lider sira halo agora, ou ka ita-boot sei iha planu foun ida atu bele promove relatóriu Chega ida ne'e?

Ha'u hanoin ita tenke hare kazu be relatóriu Chega. Tanba buat barak ne'ebé ke ita la update. Ita presiza haree. Tanba dala barak, i ema ida rua nia interese haluha tiha ema barak ne'ebé ke sai vítima iha prosesu ne nia laran. Tanba ne'e duni ita tenke identifika....

So ita boot hanoin katak tenke iha Tribunal internasionál atu lori autór sira ba iha Tribunal?

Sim ida ene importante tebes. Tanba justisa ita tenke hatuur iha nia fatin para atu bele, ita nia povu bele fó fiar tanba sira rasik mak sai vítima ba prosesu ida ne'e.

Ita bot sei halo karta ofisiál ba Indonézia ka ONU, ka Australia kona ba ida ne'e?

Klaru, ida ne' e importante tebes.

Oinsá ita boot bele halo, agora hakarak atu estabelese Internasionál, Meius saida mak ita boot bele halo atu nune'e ita-boot nia planu ne'e labele hetan obstákulu, saida mak ita boot sei inisia?

Ha'u hanoin ha'u sei la hetan obstákulu kona-ba oinsá mak atu rezolve kazu justisa liu liu ba problema krime grave ne'ebé ke akontese. Tanba justisa ne'e ita tenke tau hatuur iha nia fatin hanesan ha'u dehan, i relasaun ne'ebé ha'u kria tiha ona, antes ke sai hanesan kandidatura, ha'u hanoin katak relasaun ne'ebé metin tebes, i liu liu ha'u nia relasaun ba Amerika Australia Europa,

ha'u hanoin katak ha'u nia relasaun ne'ebé ke metin i ha'u fiar metin katak kona-ba kazu krime, ema sira ne'ebé ke komete kazu krime zero toleránsia ba ida ne'e.

OK basa liman dala ida tan ba Kandidata PR.

Ha'u hakarak atu hakat husi asuntu iha relasaun direitus umanus, i pasadu nomos oinsá atu promove direitus umanus iha Timor. Nudár PR, automatikamente ita boot sei sai hanesan xefe ka komandante supremu ba forsas armadas. saida mak ita boot sei halo atu bele promove forsas armadas hodi sai mais profesional liu iha futuru?

Nudár PR ha'u hanoin katak importante tebes ita tenke fó formasaun ba ita nia forsa defeza i liu liu tenke iha koñesimentu ba direitus umanus, atu nune'e ita labele tan rezulta ita nia povu durante nee ne'ebé ke sai vítima ba prosesu ne'e, Ha'u hanoin katak militar primeiru estar, oinsá mak ita bele kria militar ida be iha integridade, independentemente, atu bele salva ou asegura ninia povu. Militer tenke kria komunikaun entre povu besik liu tan.

So durante ne'e ita-boot hare militar seidauk besik povu?

Ha'u hanoin durante ne'e militar utiliza ninia funsaun tuir de'it saida mak ita nia governantes orienta. Tanba ne'e duni nudár PR, instituisaun defeza tenke sai instituisaun independente, atu proteje ninia povu i oinsá mak atu proteje nasaun kazu iha ameasa externa.

Ok basa liman dala ida tan. Telespetadores Tve, ita agora daudauk ho kandidata PR Angela Freitas. Ita hahú ba segmen terseiru, segmen ida ne'e sei ko'alia maka'as liu kona-ba asuntu ekonomia, maibé molok atu pasa ba segmen ida terseiru nian, ha'u hakarak atu fó oportunidade ba maluk sira iha estúdiu atu bele fó pergunta. Ha'u bele fó oportunidade ba ema na'in rua atu bele fó pergunta. Diretór Asosiasaun HAK, irmaun Manuel Monteiro, por favor.

Manuel Monteiro: Obrigado ba oportunidade, bonoite Kandidatura PR Sra. Angela depois rona ita nia palestra, programa sira ne'ebé mak ita atu halo, tuir mandatu konstitusional, karik bele ita bele esklaresu tan mai ami kona-ba ohin ita nia vizaun katak, karik hetan konfiansa husi povu hodi hakat ba PR primeira estar mak ita atu muda konstituisaun da repúblika, husi sistema semi prezidensial ba Prezidensial. Ita hatene ho di'ak katak ho sistema semi prezidensial ne'ebé mak ukun husi órgaun soberanu haat, separadu iha artigu 69 konstituisaun da repúblika, maibé pratika la'o hanesan hela Prezidensial. Sera ke ida ne'e la sai obstáculu boot mai ita bele fila fali hamonu fila fali ita nia estadu ida ne'ebé mak ita mehi katak atu harii estadu ida ne'ebé mak mais demokrátiku, mais respeito valores direitus umanus, hanesan mós hatuur metin iha Konstituisaun da Repúblika artigu 29, kona-ba estadu tenke respeita povu hanesan ema, la trata hanesan saida mak ita nia vizaun, mai ha'u husi ita nia esklaresimentu ne'e ha'u bele dehan katak kontra produtivu ho ita nia vizaun tanba ita nia vizaun di'ak maibé ita nia objetivu atu muda konstituisaun da repúblika mak mai ha'u hanoin katak bele husu tan ita nia esklaresimentu, obrigado.

Kandidata PR por favor bele fó resposta ba pergunta hosi diretór Yayasan HAK.

Obrigado barak ba ita-boot nia pergunta. Ha'u hanoin katak ita iha nasaun laran ita iha ona krize konstitusional. Tanba ne'e duni nudár PR tenke haree dalan ida ne'ebé, opsaun ne'ebé ke mais ita bele uza atu proteje ita nia nasaun. Prinsipálmamente atu haree ita nia povu ba bem estar povu ne'e nian. Se ita kontinua nafatin sistema ida ne'ebé ka la fó vantajen ba ita nia povu, ha'u hanoin katak ita mak kontinua nafatin la'o hanesan lenuk. Mundu globalizasaun agora konsentra oinsá mak atu bele impura ekonomia ba ben estar povu ninian. se ita mak kontinua nafatin depende loos ba sistema ne'ebé ke fó dalan ba korruptor sira atu kontinua nafatin hanehan povu, atu kontinua nafatin la valoriza ita nia povu, ha'u hanoin ke mais tarde ita kontinua nafatin...

Mas kandidata, ida ne'e ita boot hanoin katak korrupsaun ne'e akontese tanba konstituisaun? Ha'u hanoin katak la'ós konstituisaun maka fó dalan ba ema halo korrupsaun maibé ne'e pratika ne'ebé

mai husi karik oportunidade ka manejamentu mak la di'ak. Tanba ne'e mak ha'u nia duvida tanba sa mak problema hotu hotu ne'e ita boot tau iha beban ne'e ba iha konstituisaun, tanba sa?

Sim ita nia konstituisaun problema boot ida iha ita nia nasaun ne'e. Atu ko'alia loloos, tanba ne'e duni presiza, ita presiza revizaun ba artigu ne'ebé ke la refleta povu nia interese, porezemplu, kona-ba artigu pensaun vitalisia...

Ne'e la'ós iha konstituisaun, tanba konstituisaun la dehan katak iha pensaun vitalisia...Oinsá ita boot bele fó..?

Iha artigu sira ne'ebé ke ita rasik hatene kona-ba linguas, ita adopta lingua Portugés, maibé maioria ita nia povu la ko'alia Portugés, la hakerek Portugés, maibé konstituisaun mós fó dalan katak bele uza Ingles, Bahasa Indonézia i Tetum?

Sim mas keta haluha, dala barak konstituisaun rasik ita haree artigu artigu barak ne'ebé ke prejudika partisipasaun povu iha prosesu dezenvolvimentu, tanba ne'e ita tenke halo revizaun hakarak ka lakohi ita tenke halo revizaun ba konstituisaun artigu artigu sira ne'e. Atu nune'e fasilita, fasilita ita nia povu, envés ita mak aprende ema nia lingua atu komunika ho ema, ema sira ne'ebé ke atu mai mak sira obrigatóriu atu aprende ita nia lingua atu komunika...

Tanba sa ita la hare lingua hanesan siénsia, se ha'u ko'alia lingua barak, ba ha'u di'ak liu atu bele komunika ho ema, tanba sa mak kandidata bele hanoin katak ne'e problema?

Problema boot, lingua importante ita be...mais lingua ke ita hatene. mais di'ak ne'e siénsia duni. buat ida ke di'ak, furak. Maibé keta haluha, ita atu dudu ita nia ekonomia iha rai laran ne'e prioridade ba PR. Tanba saida, tanba se ita utiliza lingua ne'ebé ke ita nia povu rasik maioria la komprende, la hakerek sei prejudika ba prosesu dezenvolvimentu iha nasaun laran. Ita haree de'it husi parte justisa, ita nia jurista sira iha difikuldade ba lingua ne'e rasik.

Ok basa liman dala ida tan ba kandidata prezidente. Ha'u hakat ba pergunta iha segment terseiru nian, iha relasaun ekonomia. Klaru katak PR la iha knaar atu halo dezenvolvimentu, la iha kompeténsia ne'e so kabe ba Governu nian. Mas ita hatene katak PR mós iha responsabilidade ba futuru Timor Leste. Daudauk ne'e, Timor-Leste nia ekonomia ne'e depende liu ba ekonomia petrolíferu, ita hatene to'o ohin loron ita nia rekursu mina-rai mós tun ba beibeik. Ekonomista sira dehan katak Timor-Leste tenke muda nia diresaun husi ekonomia petrolíferu ba iha nau petrolíferu. Saida mak ita boot hanoin atu Timor-Leste ne'e bele la'o iha dalan ekonomia ne'ebé sustentável?

Importante tebes oinsá mak ita tenke haree ona, ita tenke utiliza retornu ne'ebé ke ita hetan husi mina-rai atu bele investe ba sektór agrikultura tanba sektór agrikultura mak fó moris ba povu en jerál, Tanba durante ne'e ita haree katak ita nia ai han sira importasaun husi rai liu hotu. Ita nia naan sira, daging potong, ayam potong sira mai husi rai li'ur hotu. Tanba saida mak ita husik hela simu de'it importasaun husi rai li'ur. Nusa mak ita la kapasita ita nia agrikultór sira atu bele hasa'e sira nia produitu lokál. Oinsá mak, tanba saida mak ita labele promove sira nia produitu sira.

Mas ita boot hanoin PR bele halo hanesan ne'e? Oinsá?

Tanba iha knaar PR supervizona instituisaun tomak hotu iha rai laran.

So ita boot hanoin katak sei influensia ka informasaun governu atu implementa programa dezenvolvimentu agrikultura?

Sim ha'u hanoin ida ne'e sei bele akontese. Tanba saida ita hare katak ita nia novu jerasaun agora, matenek na'in sira agora sente ona katak buat sira ne'ebé ke akontese iha ita nia rain, buat barak mak la'o la los. Ita presiza oinsá mak ita sira ne'e hamutuk, matenek na'in sira ne'e hamutuk, timor

oan sira, atu bele hare katak importante liu ita bele investe ita nia orsamentu ba buat ne'ebé ke lori rendimentu ba família i alen de issu ba estadu.

OK husi rendimentu família, mai ita haree katak maioria povu timor leste sei moris iha pobreza nia laran. Daudauk ne'e iha Dili, ita nia ema povu baibain koko atu buka moris hodi halo, kria kampu de trabalho rasik por ezemplu tiga roda, maibé infelizmente estadu sempre uza podér, ezemplu ida dekretu lei kona-ba ordem públiku i ijiene hodi duni sai tiga roda sira atu labele fa'an iha estrada i tasi ibun. Nudár PR, saida mak ita boot sei sujere ba governu atu nune'e bele garante direitu sidadaun nian ba asesu vida ekonómiku ida ne'ebé ke di'ak?

Sim nudár PR ha'u hanoin katak tempu to'o ona ita tenke respeita ita nia povu. Programa ne'ebé ke ita hatuur ita tenke kopera ho ita nia povu. Atu nune'e ita labele trata ita nia povu hanesan fali ema ne'ebé ke la iha dignidade tanba ita haree durante ne'e estadu halo nia política ne'ebé ke duni ita nia vendedores sira sein kria kondisoens.

Saida mak ita boot sei sujere ba governu atu bele garante direitu ema ki'ik sira?

Importante liu ita tenke kria kondisaun ba ita nia povu antes ke realoka.

Sa kondisaun?

Kondisoens ita tenke estabelese. Estabelese uma ida ne'ebé ke ho kondisoens, fatin ida ne'ebé ke dignu atu nune'e atu nune'e bele re..

Ha'u husu kona-ba oinsá atu bele kria oportunidade atu oinsá ema bele fa'an. La'ós atu harii uma. Saida mak ita sujere atu halo sira bele iha oportunidade ba sósiu ekonómiku?

Importante liu oinsá mak atu bele kapasita sira, fó edukasaun sívika, atu nune'e sira bele hatene sira nia direitu, atu nune'e ukun na'in sira labele viola.

Ok Basa liman ba kandidatu Prezidente Angela Freitas.

Ita foin ko'alia kona-ba asuntu ekonomia rai laran relasiona estadu ou povu. Iha Timor agora ita iha planu hela atu sai membru ba ASEAN iha futuro. Esforsu tiha, ema barak hanoin katak uainhira sai membru ASEAN, iha akordu merkadu livre sei fó implikasaun ba agrikultór sira, ba ema ki'ik sira. Saida mak ita-boot nia hanoin rasik kona-ba sai hanesan membru ASEAN no oinsá bele ajuda ASEAN ou ajuda Timor oan sira atu labele sai vítima ba akordu sira ne'ebé durante ne'e ASEAN promove?

Nudár PR ha'u sei la konkorda Timor atu tama iha ASEAN. tanba kuandu tama iha ASEAN ita fó oportunidade ba ema kapitalista sira atu mai supa Timor ninia bokur. I alen de ida ne'e ita la fó oportunidade ba ita nia povu atu bele oinsá mak atu partisipa iha prosesu ekonomia iha rai laran. Merkadu livre perigu tebes ba futuro tanba saida ita fó vantajen ba ema estranjeiru sira mai monopoliza servisu ne'ebé ke tuir loloos timor oan sira bele halo. Importante tebes oinsá mak ita bele fó prioridade ba ita nia sidadaun atu nune'e sira mós sente katak sira bele tanba sira rasik mak rai ne'e ninia na'in. Importante tebes kuandu ita partisipa sira iha prosesu negósiu, pekena empreza, oinsá atu fasilita sira ho kréditu ne'ebé ke di'ak, ha'u hanoin katak timor oan barak ne'ebé ke liu liu ba joven sira iha talenta oinsá mak ita bele fasilita sira ho kondisoens atu nune'e sira bele promove saida mak sira bele atu bele involve iha prosesu ekonómiku rai laran.

Husi ASEAN ita koko, halai, ita boot foin ko'alia hela oinsá atu fó valor, ba oportunidade ba kampu de traballu iha rai laran. Daudauk ne'e Governu timor mós implementa hela projetu rua prinsipál iha Timor, projetu ida ne'ebé sei han enerjia barak, enerjia tempu, oportunidade, osan no rekursu

umanus barak. Projetu tasi mane no mós projetu ekonómiku espesial iha Oe-Cusse. Saida mak kandidata PR nian hanoin kona-ba projetu rua refere?

Projetu ne'ebé ke agora akontese iha tasi mane, projetu ida ne'ebé ke ita bele dehan katak projetu ida ne'ebé seidauk to'o nia tempu. estadu tenke haree liu prioridade prioridade ne'ebé ke iha rai laran. Tempu to'o ona para ita atu hadi'a ita nia uma laran. Oinsá mak ita bele investe ba setór ida ne'ebé ke fó moris ba ita nia povu en jerál. La'ós de'it ema ida rua ou grupu ida ou partidu polítiku ida tanba ida ne'e mak nudár PR sei la tolera atu utiliza orsamentu de estadu atu ba projetu mega project sira ne'ebé ke rezulta povu sai vítima tanba ohin loron ita haree katak pobreza iha ita nia rain númeru ida ne'ebé ke as tebes. Maibé kontradis tiha ho projetu ne'ebé ke agora sira hala'o ita gasta orsamentu ne'ebé ke la nesesáriu. Importante liu ita tenke hadi'ak uluk povu nia moris. La'ós ho mega project.

Basa liman ba kandidata PR. Belun sira iha studio laran ha'u hakarak fó tan oportunidade ba ita boot sira atu bele fó pergunta. Por favor.

Partisipante: Obrigado ba tempu, sua exelénsia kandidata presidente repúblika, ohin ita boot ko'alia kona ba kria kondisaun fó apoiu kréditu ba iha mikro pekenas empresas para hodi hala'o nia servisu hodi dezenvolve sira nia vida. Servisu ida ne'e governu anterior halo tiha ona, i tuir informasaun ne'ebé publika, Ministériu komérsiu Indústria e Ambiente aloka tiha ona 5 milhões iha Banku Nasional Komersial TL para atu suporta kooperativas i setór privadu. Kestaun ida ne'ebé ke mosu, sistema ho kondisaun ka persyaratan ne'ebé to'o agora sei utiliza so membrus ne'ebé iha família funsionáriu públiku ida sai hanesan garantor maka bele asesu ba kréditu ida ne'e?

OK los ona, kandidata PR, maske klaru katak PR ninia kompeténsia la'ós fó kréditu, ha'u la hatene karik ita bele fó opiniaun balun atu bele ajuda...ita nia...

Sim, nudár PR ha'u hare katak importante tebes pequeno de empresa ida ne'e importante oinsá mak ita bele participa másimu ita nia joven sira atu nune'e sira labele depende liu ba funsionáriu públiku atu depende liu ba estadu. Tanba ne'e duni pequeno empresa oinsá mak ita bele kria facilidade ke di'ak hosi estadu atu nune'e bele hetan asesu kréditu, bele forma cooperativa ne'ebé ke iha fatin fatin sira atu bele hatama rendimentu ba família husi meius sira ne'e. Ha'u hanoin katak ida ne'e importante tebes nudár PR atu bele fó orientasaun ou fó hanoin ba ita nia estadu oinsá mak sira bele haree pontus pontus prinsipais sira ne'ebé ke atu bele fasilita ita nia povu atu nune'e ita nia povu bele hasa'e sira nia produsaun ne'ebé ke sira halo ou hala'o.

Kandidata PR. Ita basa liman dala ida tan ba Kandidata PR.

Telespetadores ha'u hanoin katak ita boot sira sei iha preokupasaun barak, ha'u hanoin kolega sira iha studio mós iha preokupasaun barak mak atu bele hato'o maibé tanba tempu mak la fó limita ba ita atu labele fó oportunidade barak ba ita para atu bele husu pergunta, entaun ha'u hanoin ita nia segmen ida ne'e mak segmen ikus liu maibé ha'u hakarak atu taka ho pergunta ida ne'ebé foin mai husi sms ida katak se karik ita boot sai hanesan PR ita boot prontu ka lae atu bele altera lei pensaun vitalisia.

Ida ne'e ha'u sei altera imediata tanba kategoria krime hasoru povu i krime hasoru nasaun.

Basa liman ba kandidata Presidente. Agora iha pergunta ida seluk mós foin mosu mai kona-ba ema nafatin preokupa i comunidade preokupa hela, Tanba sá ita boot hakarak duni atu muda konstituisaun tanba sira fiar katak problema iha Timor la'ós akontese tanba konstituisaun maibé tanba oknum ka autór sira ita boot bele fó klarifikasaun badak uitoan?

Ita tenke haree katak iha nasaun ida atu la'o ita tenke hare kata oinsá mak ita nia lei inan ne'e. Lei inan ne'e tenke reprezenta duni povu en jerál. labele reprezenta ema ida rua ou grupu ida rua.

Tanba ne'e duni ita haree mós husi ita nia populasaun ne'ebé ke 1.7 millions. Importante liu ita tenke iha komandu ida ne'ebé ke bele orienta ba kraik atu servisu sira ne'e tenke la'o tuir regras.

Sim OK basa liman dala ida tan. Kandidata Prezidente. husi debates ohin kalan ne'e iha ema barak ou povu barak ne'ebé foin haruka hela sira nia mensajen katak sira apoiu duni ba ita boot atu muda konstituisaun ou ka atu muda artigu sira ne'ebé ita boot hanoin katak la fó di'ak. Ita boot bele aproveita oportunidade ida ne'e hodi bele fó lia fuan balun ba sira?

Aaah ha'u nia lia fuan mak ne'e importante tebes timor oan tenke hamutuk. Matenek na'in timor oan sira barak ona, ita oinsá labele fó espasu ba ema li'ur atu mai sobu ita nia unidade. Importante liu povu agora matenek ona, intelektuais akadémiku sira mós tinan ba tinan ita prodús barak ona, oinsá mak imi utiliza imi nia matenek atu bele dezenvolve ita nia konstituisaun ne'ebé ke povu rasik sente pertensia i povu rasik sente katak sira sidadaun ida ne'ebé ke pertensia ba nasaun ne'e. Ida ne'e mak importante tebes ba PR.

OK basa liman ba kandidatu.

Iha SMS ida tan ne'ebé foin haruka mai katak, agora daudaun ita nia belun barak maluk timor oan barak ne'ebé mós sai refujiadu iha rai li'ur, iha Atambua iha Indonézia iha fatin seluk tanba funu. I sira balun hakarak fila fali mai Timor. Uainhira ita boot sai hanesan kandidatu PR, saida mak ita boot bele halo atu responde ba refujiadu sira ka timor oan sira ne'ebé iha rai li'ur sira bele mai ka ou sira la presiza mai?

Ha'u hanoin tempu to'o ona para atu lori sira fila mai. Sira labele sai atan iha ema nia rain. Rai ne'e presiza sira nia kontribuisaun tanba ne'e duni oinsá mak estadu tenke fasilita atu nune'e sira bele partisipa ba prosesu dezenvolvimentu iha rai laran. Tanba tempu to'o ona ita nia rai rai ida ke potenciál tebes maibé ohin laron ita la utiliza, abandonadu. Maibé balun husi timor oan sira ne'ebé ba iha Indonézia sira iha tempu okupasaun to'o iha 99 sira involve iha krime barak kontra umanidade.

Oinsá ita boot nia hanoin ba sira?

Timor hotu durante ne'e sai vítima ba prosesu ida ne'ebé ke naruk komesa kedas iha 75 to'o ohin laron. Ita tenke, tempu to'o ona para oinsá mak ita bele halibur. Halibur malu, justisa la'o nafatin, naun kerdizer ke sira involve krime hasoru umanidade sira la iha direitu para atu fila fali ba sira nia rain. Tanba sira mós pertensia ba iha rai ida ne'e nian. Tanba ne'e duni nudár PR sei fasilita oinsá mak timor oan sira ne'e atu bele mai, atu bele kontribui ba nasaun ida ne'e ba futur.

Basa liman dala ida tan. Telespetadores sira obrigado barak tanba ita boot sira bele haruka mensajen mai kandidata direta. Telespetadores hotu, kandidata rasik no mós kolega sira iha studio, tanba tempu mak limita tiha ita nia diskusaun ida ne'e, loloos se preokupasaun barak ita boot sira hato'o maibé tanba tempu la to'o tanba ne'e mak ita labele kontinua to'o naruk liu tan. ami agradese tebes ba ita boot nia prezensa.

Telespetadores sira, alen de ida ne'e mós keta haluha katak kandidatu sira seluk mós sei fó sira ninia programa, liu husi kanál ida ne'e. Tanba ne'e mak ami husu ba telespetadores sira atu nafatin sintuniza nafatin programa televizaun edukasaun ba pakote eleisaun ida ne'e. Husi studio ha'u Juvinal Diaz ho ekipa sira iha televizaun edukasaun hato'o obrigado barak ba ita boot sira ne'ebé akompaña nafatin programa ida ne'e. Ita sei hasoru malu iha programa D'Challenge ho kandidatu Prezidente sira tuir mai. Obrigado barak ba ita boot sira. Bonoite.